



Publicaziuns dalla vischnaunca, jamna 49

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1074.000

Monica Cajacob-Candinas, Via Lucmagn 3A, 7180 Disentis/Mustér; engrondaziun mises Las Cavorgias, parcella 3291, 7186 Segnas.

Nr. 2021-1075.000

Aluis e Zita Huonder Deplazes, Via Sontga Catrina 13, 7180 Disentis/Mustér; engrondaziun dil tetg sur l'entrada, parcella 3634, Via Sontga Catrina 13, 7180 Disentis/Mustér.

Disentis/Mustér, ils 3 da december 2021

Uffeci da baghegiar Disentis/Mustér

Annunzia da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

2021-2108.000

Bergbahnen Disentis AG, Via Acletta 2, 7180 Disentis/Mustér; mesiras da segirtad pil temps d'unviern, parcella 1806, Gendusas, 7180 Disentis/Mustér.

Disentis/Mustér, ils 10-12-2021

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 10 december 2021**, allas 19.15 en halla Cons.

Tractandas:

1. Protocol 8-2021/2024
2. Val Acletta: Sanaziun e renovaziun digl uor – Project e credit (messadi nr. 15-2021/2024)
3. Agenda 2022
4. Ura da damondas (conform ad art. 44 dil regulativ da fatschentas)
5. Elecziuns:
 - 5.1 dil president ni dalla presidenta dil cussegl da vischnaunca per 2022
 - 5.2 dil vicepresidente ni dalla vicepresidente dil cussegl da vischnaunca per 2022

Il president dil cussegl da vischnaunca



Temps d'unviern

Restricziuns da carrar e mesiras da segirtad Vias forestalas e funsilas

Duront igl unviern eis ei scumandau da carrar cun tuts vehichels sin las vias forestalas e funsilas. Quei scamond vala mintgamai naven digl'emprem da december entochen la fin mars, respectivamein naven dil mument che las vias ein cuvretgas cun neiv. Fullar via (rumir vias) ei scumandau (art. 10 dil reglament da traffic).

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl 1. da december 2021 entochen miez d'avrel 2022. Il bandunar sendas da viandar d'unviern e rutas da gianellas signalisadas ni vias rumidas da neiv e tut semover ordeifer la zona da baghegiar succeda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa). Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet www.disentis.ch/strassen.

Nus supplichein da prender enconuschientscha da questas directivas e giavischein in bi temps d'unviern. Bien engraziament per la capientscha ed observaziun.

Disentis/Mustér, ils 26 da november 2021

Direcziun communal Disentis/Mustér

Center da rimnada a Raveras – temps d'avertura sur Nadal e Daniev

Sur las fiastas da **Nadal e Daniev** resta il center da rimnada a Raveras serraus duront ils suandonts dis:

- venderdis, ils 24 da december 2021
- sonda, ils 25 da december 2021
- venderdis, ils 31 da december 2021
- sonda, igl 1. da schaner 2022

Ils ulteriurs dis ei il center aviarts sco usitau. Bien engraziament per l'enconuschientscha.

Uffeci da baghegiar ed infrastruttura

Radunonza Vischinadi Segnas e Mumpé Tujetsch

Mardis, ils 14 da december, 20.15 casa da scola Segnas.

Tractandas usitadas:

1. Orientaziun: Loipa Segnas
2. Surpasadi Via Salez

Cordial envida

Suprastonza Vischinadi Segnas e Mumpé Tujetsch



Administraziun communal

Informaziun

Muort in arranschament da formaziun intern dil personal resta l'administraziun communal serrada mesjamna, ils 15 da december 2021.

Bien engraziament per Vossa capientscha.

Direcziun communal

Vischnaunca Disentis/Mustér

Revisiun parziala dalla planisaziun locala exposiziun da recuors

En applicaziun d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, la quala ei vegnida approvada ils 28 da november 2021 entras la votaziun all'urna.

Objects da publicaziun:

- Revisiun parziala dalla planisaziun locala/Skills Park
- Revisiun parziala dalla lescha da baghegiar art. 74 (artechel energetic)

Acts da publicaziun:

- Revisiun parziala dalla lescha da baghegiar (Crest d'Acletta Skills Park ed indrezs solars ed implonts a vent)
- Plan da zonas Skills Park 1:500

Informativ:

- Messadis per mauns dalla votaziun all'urna
- Rapports da planisaziun

Termin a publicaziun:

30 dis (**naven dils 10 da december 2021 entochen ils 10 da schaner 2022**).

Liug da publicaziun:

Administraziun communal Disentis/Mustér. Duront las uras da spurtegl e digital sin www.disentis.ch

Recuors da planisaziun:

Persunas, las qualas han in agen interess digns da vegnir protegius vid ina contestaziun dalla planisaziun ni ch'ei legitimadas leutier tenor dretg federal, san inoltrar alla regenza enteifer 30 dis dapi il datum da publicaziun a scret in recuors da planisaziun encunter la planisaziun locala.

Organisaziuns digl ambient:

Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori. Q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inoltreschan silsunter eventualmein ina posiziun.

Disentis/Mustér, ils 7 da december 2021

Suprastonza communal Disentis/Mustér



Nominaziuns pil Premi Desertina 2022

Nus envidein vischinas e vischins sco era uniuns ed instituziuns d'inoltrar propostas per nominaziuns e d'indicar quell'entochen **gliendisdis, ils 20 da december 2021**, alla presidenta dalla cumissiun, geraua Iris Lombris, Via Dulezi 6, 7180 Disentis/Mustér. Las propostas san era vegnir annunziadas via posta electronica all'adressa: educaziun@disentis.ch. Premiai vegnan persunas privatas sco era instituziuns ed organisaziuns. Ils undrai ston esser domiciliari en vischnaunca ni haver ina relaziun speciala cun la vischnaunca.

Ulteriurs sclariments sur dil Premi Desertina anfleis Vus sut: www.disentis.ch/sport/temps_liber/cultura_ni_servis/spurtegl_virtual/leschas/300_reglament_Premi_Desertina.

Cumissiun Premi Desertina

Controlla da habitonts

Mortori

Maria Pia Gugler-Jacomet, naschida ils 31 da matg 1926, morta ils 2 da december 2021.

Nossa scola populara Mustér

Negina viseta dils Treis Sogns Retgs

Muort Covid-19 croda entschatta 2022 la viseta usitada dils Treis Sogns Retgs. Las reginas ed ils retgs selegran gia ussa da puspei astgar visitar Vus entschatta 2023.

Da tut cor giavischein nus a Vus bialas e benedidas fiastas da Nadal ed in bien e saun 2022. Sin bien seveser il schaner 2023!

Cordials salids Nossa scola populara Mustér

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Mintga secund venderdis** dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn

Ei vala igl obligatori da certificat per carschi. Il diember da participonts ei limitaun. Ina annunzia tochen gievgia da miezdi avon il termin dall'occurrenza ei necessaria: biblioteca@disentis.ch.
